

歷朝憲章類誌卷之四

◎地輿誌

★諸道風土之別

●興化

古文郎國。秦屬象郡。漢屬交趾郡。隋唐爲芝州。李陳屬陀江路。婺爲嘉興鎮。光順置興化承宣。統諸府縣。隸府三縣四州十六。

興化東連山西。西界雲南。北夾宣光。南夾清華。山川岩險而可據。財源滋殖而當充。亦上游之要地也。惟境連芒牢。俗屬犷悍。恒生攘奪。易出羈縻。故平時則已似難馴。有事則易以生亂。守牧之任不可以不慎也。

興化府三縣二州

鎮安縣二十
八社。

安立縣二十

三冊。

文振縣十冊。

文盤州八峒。

水尾州七峒。

木州五峒。

嘉興府一縣四州

景興初賊公贊據青州。侵占芒青地。其後疆界增廣。戊子年平公贊。取所侵地置爲寧邊州。歸嘉興府。置土官管牧。比前始增一州云。

青川縣二十
六社。

越州三峒。

符華州

枚州三峒。

木州五峒。

安西府十州

萊州二峒。
倫州三峒。

瓊崖州四峒。
昭晉州十四峒。

合肥州五峒。
謙州三峒。
綏阜州二峒。

黃岩州四峒。
醴泉州四峒。
嵩陵州三峒。

三府皆連山重疊。洮沱二江上流皆自內地發源。橫流鎮內。洮江經水尾州至鎮安處。沱江經安西府至青川縣會流于柴巡處。邇下山西夏華縣轉至三岐商賣行貨就上遊轉販多得厚利。青川山勢峻險。景興初逆黨黃公贊常依憑岩阻聚衆積穀脅制上游諸州。自羅山越州以上陷於賊境。不復知朝廷約束。幾二十年。靖王初立。賊乘間攔下枚州連鎮寧逆縑分兵四出。圖窺清華近地。勢頗猖獗。乃命將討之。官軍戰于滄姑大破賊衆入青川城。辰公贊已死。其子公纘惶恐棄走。統將段阮倣命毀樓櫓平濠壘。赦脅從縱囚徒招安二十三本芒使復業。以所獲牛羊業諸田作分諭諸土酋。遂引兵還至京。倣上言州民經亂之後人口彫耗。清儂山族多被轉移。藩酋蕩無約束。從卒附漢靡有止定。請議區處更立條制。使十州永爲編戶。上命羣臣集議。於是定爲十四條頒下。赦諸酋長罪。仍許爲土酋。免興化諸州與儂人山庄諸舍蠻民今年租稅除逋欠止。擅買木越二州原內從民許併歸鎮官徵收。諸州土兵量出分號各自爲守禁。萊、倫、昭、晉、瓊崖諸州民不得著內地服供內地租稅。命鎮官嚴敕諸土酋不得狃舊攘奪互相仇殺。有屈抑許走訴隨宜分處。又不得自便繼襲。不聽朝命。與擅殺所轄土民令鎮官歲頒曆於諸州俾知正朔。自是興化以寧。其後公纘內投七州之民。

卷四 地輿誌

諸道風土之別

宣光

五六

嵩陵。醴泉。黃岩。綏旱。合肥。萊州。謙州。凡七州。以地勢遼遠。黃綠內附。於是內地縣官概行征繕。黎末數十年間。姑息不能辨。以迄于亡云。

七州今內屬內地雲南省臨安府建始縣號爲猛賴。猛喇。猛丁。猛梭猛特。猛卉。六寨。

◎宣光

古貉龍國。秦屬南海郡。漢屬交趾。唐爲湯州。陳朝屬國威路。黎初爲宣光鎮。光順中置宣光承宣。隸府一縣一州五。

宣光西夾雲南。東夾山西。北連太原。南接興化。民稀而俗古。物盛而貨稠。山溪之深總多嵐瘴。蠻獠之習半屬羈縻。比諸外鎮。蓋尤邊遠者也。

安平府一縣五州

福安縣

七十社。

收物州

三十社。

陸安州

三十社。

大蠻州

四十社。

渭川州

六十社。

保樂州

三十社。

一府山川皆自內地發源。苔江自雲南關化州來。經大蠻至福安縣與灤江上流湊合。通至我巴蜀爲三岐。巡轉下山西西蘭地江分其渭川聚龍平處芳渡諸隘。乃財貨所聚之地。歷代利源皆自此出。黎中微時武文淵據收物州聞莊宗立遣使詣行在。莊宗封爲嘉國公。諭令犄角討賊。與清華相爲唇齒。其後淵使人奉表稱據有端雄、臨洮、富平、高平等府。三農、三陽、普安、洞挪、蠶枚林等州縣乞便宜。封諸部將。其僞將阮敬勢已窮促。臣當奮忠義掃清宮闈。奉駕還都。帝大悅。迨中宗立。莫氏內外離叛。文淵承詔自宣光而下。略定三帶北河等府。分遣招安。太原。諒山。復還大同。英宗立。太師諒

國公大舉東討。由天闢出興化。至宣光。文淵出迎。其所部充塞。兵精糧贍。太師大喜。共議進師渡河。命文淵仍領大同。文淵卒。子公紀嗣。進封太保仁國公。世宗初入朝。進拜右將軍。歸鎮後。莫氏屢侵。公紀邀擊大破之。迨東京收復。公紀已卒。子和靜侯德恭將兵三千來朝。獻金銀寶物十盤。代身金人一銀花瓶。二銀香爐。一鶴。二良馬三十。詣節制府門。拜謁。節制表爲北軍右都督太保和郡公。賜號安西營。及還鎮後。懷一心。陰使人侵掠諒山山西源頭。破清波夏華。徙東關西關二縣入大同。帝命阮有僚督兵討之。德恭走義都。在永安縣。遣人詣京。獻金銀寶物。陳情服罪。詔赦之。迨後復反。僭稱隆平王。使其將銳郡公等率大蠻州兵攻白通各鑛。脅取銀場稅。平安王命將討之。德恭尋乞降。迨敬宗時。討平莫孽。德恭與其子少保陽郡公武公應。遣人奉書詣行在。王厚加慰撫。德恭卒。子公惠嗣。襲封太傅宗郡公。惠恃其險遠。陰畜不臣之心。僭稱王爵。僞立朝班。黨于莫孽。屢有文書往復。事跡頗露。上含容不忍問罪。景治初。公惠因與手下麻福長不平。內懷危懼。赴京自訴。行至東蘭。巡夜爲人所殺。事聞。上念公惠祖父有大勳勞。義不可絕。乃立子公俊爲後。授都督詹事。封寬郡公。留京師。給民祿。使承祀。其諸子女悉加慰撫。以福長不忠所事下之獄。福長子福蘭。福淀。遂聚反。朝廷尋命山西鎮守黎辰憲爲統率。經略宣光。討麻福蘭。斬之。福淀北走雲南。辰憲安集州民而還。自是始置鎮守。熙宗永治初。清雲南關化土官侵占渭川。保樂水尾三州諸峒。置巡司。索商稅。帝命海陽鎮守鄭柵往鎮宣光。移書申辦。又曉諭諸峒民回復。土官竟不肯退還。十年。牛羊峒三村民奔滄威求命。修書辨復。清帝將遣大臣往勘。適雲撫入覲獻圖。竟用部臣奏爲書却之。王命書復辦。廣撫禁不附蝴蝶峒。儂人亦遣人奉表歸附。命鎮官爲書慰諭。之初。牛羊蝴蝶二峒爲清雲南土官所侵。鄭王

卷四 地輿誌

諸道風土之別

太原

五八

許通於是三峒之議遂息。迨裕宗保泰間。清雲督復侵占渭川水尾二州。帝命致書廣督轉達。清帝差官料理。差官竟從關化土官以我國霸占還奏。竟立界于鉛廠山下。設官置廠。失地者四十里。清帝兩次敕諭。要以必從。土目黃文模一切不接。清雲督鄂爾泰疑有異圖。言於清帝。調三省兵馬。遣都御史阮奕祿。內閣學士任蘭枝等前來。以觀動靜。既而留駐廣地。清帝改寫敕諭。遣使以地來歸。奕祿等至京行接受禮。命兵部侍郎阮輝潤祭酒阮公宗往會。清委差於宣光認地立界。以賭呪河爲界。立石爲碣。疆宇始定。

●太原

古屬貉國。秦屬象郡。漢屬交趾。唐爲武城州。陳時爲太原鎮。黎初因之。光順中置太原承宣。統諸府縣。隸府三縣八州七。

太原南夾山西北界京北。西連宣光。東界諒山。三島衆山盤磅而連亘。海洞羣流旋繞而榮迴。溪巒之區。固多嵐嶂。物產之利。常裕財源。乃上游之險要。寔西頭之形勝者也。

富平府九縣

平泉縣三十

九社。

普安縣二十

四社。

洞喜縣五十

二社。

司農縣五十

四社。

大慈縣二十

八社。

富良縣二十

八社。

文朗縣十二

社。

定化縣三十

四社。

武崖縣二十

七社。

富平府在太原西北。九縣環列重山。三島山自山西二陽蟠結而來。蜿蜒于平泉文朗之間。勢頗險遠。洞喜同姥在正巡之處。巡所在洞喜縣同姥社地分。江分即同姥社上流。自白通州晏挺庄江分。經過伊處。再至我巴夾京北鎮治和天福二縣江分。普安縣獨尊山岩巉險阻。富平縣獨尊山岩巉險阻。

尤爲峻絕。黎景興初逆芳燭，常據此以爲巢穴。修立宮殿，僭擬乘輿，而軍資器械皆在玉佩。次香粳爲中屯，次郁岐爲外屯，各遣其黨宿兵與官軍相拒。其支屯列峙又倍之。所在耕田積穀爲死守計。復擅上游茶膝竹木及宣興錫鉛之產。穀粟寶貨山積三帶，臨洮、沱陽三郡皆陷。官軍攻之累年不克。庚午冬，明王親征，分命四軍並進。先破郁岐屯，其香粳屯自潰。仍進次玉佩屯，賊兵大潰，竄入獨尊屯。官軍進攻大破之。芳與其黨焚巢夜遁，進擊於立石，擒之。自是西太以寧。一府文學雖遜四宣清久之盛，而七縣皆有科名云。普安一員。同喜一員。富良一員。平泉一員。

一員。文朗一員。大慈一員。司農一員。

通化府一縣一州

感化縣

二十三社一村九庄。今四十四社。

白通州

六十社。

通化府在太原之中。崛峯山自宣光發脉，至太原白通州，橫列壁立，峻嶺摩空，人跡所不到。中間開出一峒，高三尺許，濶半之，長約十餘丈。上有石乳下垂，望之如五色繪畫，神祠鬼刻，絕勝。人爲其原，則自北國而來。經高平府至白通州，從些峒中去。右支爲仙巒社，一海；左支爲南畝社，二海。窮海夾宣光處，限以石坡，舟楫不能通。水從坡上注下，勢如建瓴。每海周圍約二三里，環海包之以山。山之傍間以民居，四面水石陰森，樹花葱鬱。海之中又有層山疊嶂，浮沉隱見於波濤之間。每風恬浪靜，則漁舟上下泛泛四出，觀望不厭。比之瀟湘八景，舊傳伊地方，南畝等社設無遮大會，觀者四集。適有老婦懸鶴而身懶，自來乞食，衆人嫌其穢，爭呵逐之。老婦無所得，至暮而歸，途遇南畝社母子二人，與言其事，那母子嘆道：「可憐憔悴至此！」我有午飯未吃，今讓與嫗療饑。既而歸家，夜見那婦前來。

卷四 地輿誌

諸道風土之別

太原

六十

言曰。日來推食遺我。甚是仁慈。今無處依投。願借一宿。庶幾完此功德。母子卽許入家寓歇。而自臥其傍。夜半聞睡聲如雷。與世人異。卽點燈觀之。見蛟龍形一軀。其大數圍。臥于家內。母子大驚。卽閉門就寢。不敢出聲。迨明日沒了蛟形。只見一老婦在臥。知是非常人。始啓門出。向前施禮。老婦曰。我恰纔看會見一場喧鬧。大都口佛心蛇。無人好善。不久必有沉淪之苦。惟汝家母子有一點慈心。亦是慈悲中流出。我今爲汝開諸覺路。濟了迷津。如見地方有異事。走避高堆處不可顧戀。言訖。不見詎意。會未了。忽然平地水泉湧出。始于一掬頃之破潰。爲沼。復大而爲湖。不日之間化成三海。那母子纔聞其事。已先走過三里許。至山腳依焉。其餘衆人皆走不及。盡沒于水。母子卽伊處構屋居之。其後產育男女。遂成一邑。凡環海諸山。皆南畝地分。爲三海中之大林落焉。事詳公餘捷記。

黎永佑五年。太原留守黎廷性等啓言。白通感化界。諒山高平保樂之間。舊無屯隘。化外之徒。往來自由。藩臣擅詣京師。僥倖營私。而巡行一切廢弛。狂匪無制。將至滋蔓。請於要路立屯令。藩臣戍守以嚴邊備。從之。其後防禁稍寬。北國人往來。開場作煤。無有限制。送星廠在白通州所。留韶州客人至三萬人。冗悍頑慢。互相攻殺。無所避忌。景興中。閩督吳時仕請加鈐束區處。乃命官軍就處稽查造冊。尋以他故復罷。事竟不行。一方民俗。皆架棧爲居。隨溪春米。貫索穿猪。竹笛貯酒。土儂習尙。蓋與諸

鎮殊風云。

吳午峯先生太原道中詩云。偶因公幹一觀風。人物征途指掌中。曠地無多山與澗。居民太半土參儂。木廬架棧東。向水白隨機。日

夜春到處見。田皆墾闢。相傳年代穀常豐。又白通州卽興云。一帶青山俯碧蕩。邊城此景見應希。賈塵客庸高低屋。巡店商航

上下磈礧。儂伴忙牽猪。索去村氓醉挈酒。笛歸旅懷寂寥。將消遣。日凭高看翠微。

高平府四州

石林州 二百二十二社

廣淵州 三十 八社

上琅州 三十 三社

下琅州 二十 二社

高平府在太原之西南。與宣光山西夾界。四州林巒連互。地勢曠邈。轄內十二巡利源充羨。岩寮巡在增社地分。有一條路自麟趾峒經過。依處。博宮巡在石林州內占社地分。卽內占江上流。自湍城經過此巡。通至北座支。○博溪巡在石林州博溪社地分。江分卽博溪上流。自太原處感化縣江分。經過伊巡通至諒山鎮七泉州地分。又一條路自本轄石林州率性地分。通至伊巡。○良馬巡在石林州嘉恭社地分。濬江上流。自鎮轄上林州讓畔社江分。經過伊巡。又一條路自本轄石林州率性社江分。經過伊巡。並通在鎮石林州芹畔社地分。經過伊巡。又一條路自石林州宗賴社地分。經過伊巡。通至芹畔社地分。又一條路自石林州福應社地分通至伊巡。○那逋巡在廣淵州弗迷社地分。又一條路自剝稔支經過伊巡。通至內地上龍州地分。又一條路自格靈社通至伊巡。又一條路自內地九可隘通至伊巡。○翻陽巡在廣淵州翻陽社地分。又一條路自廣淵州至格靈社地分。經過伊巡通至廣淵州敢好社地分。○古陳巡在上琅州好禮社地分。又一條路自廣淵州敢存社地分。通至伊巡。○峨堦巡在上琅州峨堦社地分。又一條路自上琅州好禮社地分。通至伊巡。○茶嶺巡在石林州茶嶺社地分。又一條路自內地更貴隘地分。經過伊巡。通至石林州宗賴社地分。○翠昌巡在下琅州靈振澤社地分。又一條路自上琅州歲塢社地分。經過伊巡。通至內地回沁隘地分。○揀龍巡在下琅州靈振澤社地分。又一條路自廣淵州翻陽社地分。通至伊巡。

黎中興前原屬太原鎮轄。迨莫僭既亡。族黨敬用奔高平。賂明撫官。乞爲提奏保全。斷許四州安插。明帝許之。敬用就擒。明廷臣又奏。安插敬恭高平地方。黎朝亦姑置不問。敬恭僭稱乾統。凡三十四年。迨神宗永祐初。官軍大舉進討。敬恭就擒。僞敬寬復僭稱龍泰。次年敬寬遣人乞降。請去僞號。稱藩臣。詔許之。封太保通郡公。歲奉職貢。陽和四年。敬寬卒。其子敬宇復反。僭號順德。靖王親率諸軍進征。前軍交戰不利。遂班師。次年復命節制討之。賊皆散走林莽。分掠上下琅等州而還。永壽三年。敬宇降于清。改名敬耀。清廣西巡撫奏封爲安南都統使。玄宗景治五年。大舉討高平。鄭西王親征。由諒山進。諸將由太原道進。四面

石林州

卷四 地輿誌

諸道風土之別

諒山

六二

夾攻大破之。擒獲僞都統敬僚。僞尚書陳嵩等。及其器械財物。不可勝紀。敬字挈家屬三千奔內地。鎮安州。其黨歸降者甚衆。西王皆赦之。宣諭安集州民。六年命勘四州官田。據民俗以三担禾爲一高。併得一千三百三十畝十四尺。備啓以聞。復稅三年七年。敬字復假名元清。憩於兩廣督撫提督。諸臣爲之請。且謂本國擅兵。清帝命暫移元清於南寧。遣使來言還其地。使臣李仙根等至京上召。范公著入議。朝命以莫氏乃國世讎。及元清與明光澤王黃應麟。郭之奇等血誓謀逆告之。仙根等累簡言。莫氏雖貴國叛臣。然今乃天朝貢臣。已受封都統。貢臣有難。朝廷不可不拯。天子有命。貴國不可不遵。上命移書。謂交遊之讎不同國。况仇敵之家。坐而相視。古來誰所甘心。仙根謂事在前朝。又答以春秋之義。百世尚可復讎。豈容長寇敵於未九之世。而容鼾睡於臥榻之側。又謂國無二王。土無兩貢。又謂高平不足安生。則當擇善地處之。否則以石林一州安置。仙根等皆謂非旨意。致簡于王。反覆辦折。堅執不聽。相持四十餘日。上以事大惟恭。特命姑且從之。命復奏如旨。且使莫氏臣事本國。如其祖敬寬故事。是年命高平督鎮將兵還。以四州地交敬字。及清吳三桂反於雲南。元清從其僞號。資之兵甲。熙宗永治二年。吳三桂死。清兵入廣西。鄭王與廷臣議。乘機進勦。乃移書清將軍。罪狀元清。命丁文左阮有登等率兵進討。大破之。元清奔龍州。餘黨皆潰。四州略定。殘莫居高平。歷三世。共九十四年。至是始滅。自是命重臣督鎮以治之。統領有權。視他鎮尤爲重焉。

●諒山

古貉龍國。秦屬南海郡。漢屬交趾。唐改交州。陳朝爲諒江路。黎初因之。光順中置諒山承宣。隸府一州七。

諒山南夾安廣。北夾隘關。京北接其西。高平接其東。千山盤礴。萬溪縈迴。重嵐惡瘴。境號險難。其地

田少而戶稀。其民儂多而土少。財力之盛較減他州。然隣接北朝。號稱重鎮。使程關其應接。國體係以重輕。鎮鑰之任不可以不慎也。

長慶府七州

七泉州三十

七社。

文蘭州三十

七社。

文淵州三十

二社。

脫朗州十九

社。

祿平州三十

七社。

溫州六十

六社。

安博州十七

社。

一府七州皆山巒環列。溫州支稜夾接京北爲諶山首界。有鬼門關祠。

內祠馬援在山下坡。隔江連山矗立。山下

有落石斷首象人形。俗傳柳昇死處。

黎太祖破柳昇於支稜關斬之。此石象形。世俗因訛傳云。

文蘭州與京北右隴陸岸相接。皆山林

連絡。岩嶺巒屼人跡所不到。安博州東連海陽安廣海山一帶地勢衝要。自溫州以上歷枚坡祠至

團城爲鎮所城。西南有祿馬山雙仙峒。

祿馬山在祿平州公母山出脈。羣峯聯絡而下。沿脫朗州至溫州枚坡社起高峯。東咽入

山之南。崆峒玲瓏。窟突。

山後岩陽一帶峯巒環繞羅列。長江屈曲環抱鎮城。

江從地內龍州

流入至七泉。過江爲脫朗州。有

三清峒望夫山。三清峒峭壁巒屼。俯臨江渚。洞前有湖守在山腰。景致

幽寂。峒右爲望夫山。山頂有石似征婦遠望形。故名。近代吳督鎮公又創爲二清峒。景致極佳。

二清峒在

山谷中曲流出爲溪。堆成汙池。又一窟最高。架竹梯約二丈乃可上。其廣容席。如象棚。俯仰可愛。吳公結構。峒宇始刻三教祠。而於高窟處。鐫傳神像。因石位置。天然妙景。從峒右入谷。一石罅甚幽。號蛟窟。丹行約盡數條燭。出

口則羣山連絡。樹木參錯。此爲二清。彼爲望夫。入山見水。水盡山出。亦山水一快觀也。

丘驢庵在峒之西。商賈湊集。北歷重

山。過惡水泉至同登庸。乃使驛往來駐蹕之所。又北上約二更許。至鎮南關。左右連山。排列爲城。南。北分疆。天。然。界。限。關前有仰德臺。爲候接北使之所。西邊分列屯峙。蓋以備譏察也。